



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : RHENISH CHURCH PANG HOK KO MEMORIAL COLLEGE

学校名称 : 礼贤会彭学高纪念中学

Name of Play 剧名 : 出口 Exit

Script writer 剧作者 : 礼贤会彭学高纪念中学戏剧学会

Synopsis 故事大纲:

劳工及劳动事务署，以下简称—劳劳署。一直致力改善本地经济及就业市场，增进劳动人口的福祉，促进工人的职业安全及健康。

今年属阴年，年初孤星在凶月忌日撞月，此乃天煞大忌。不论迷信与否，这年很多企业及公司倒闭，导致人民生活苦不堪言。

有见及此，劳劳署推出一系列纾困计划，协助人民就业，复兴经济。署方每天在网上发放一定的「安心放心贴心度身订造见工服务计划」名额，让人民有秩序到访劳劳署。

今天中午，劳劳署内人来人往，各人想为自己寻觅新的出路。

突然，离岸2000公里的海底火山爆发，引起小型海啸及多次地震，令很多大厦倒塌，包括劳劳署！

最后，这里这些寻找出路的人，可否寻找到出口呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序

（灯亮）

职员：忠叔，几点呀！仲中眼瞓！

忠叔：饭气攻心阿！何况宜家都有人，我建议你同我一齐瞓添呀！

职员：睬过你啊！同你一齐瞓！

红姑：先生，呢度系唔系劳劳处呀？先生？

忠叔：乜嘢系捞捞处呀？

红姑：系劳劳处！

职员：太太，你系唔系搵劳工及劳动事务署？

红姑：系啊！

（有几名青年人，韵婷、阿殷、阿淇跑进来）

阿殷：快啲行啦！好多人㗎！

（阿殷撞倒孕妇）

红姑：哎呀！

阿殷：哎呀！

阿殷：唔好意思。

红姑：你哋盲㗎？见唔到我系大肚婆呀！撞到我个 BB 点算呀！

阿淇：唔好意思呀！

韵婷：你小心㗎啦，撞到人啦！我哋睇吓有咩工仲好过啦！

阿殷：有冇乜唔使点做嘢又多钱㗎！

阿淇：大姑，你中六毕业咋！读书又唔叻！点样多乜呀！

阿殷：你好叻咩！你咪同我一样！仲有呀你成绩系最差㗎个！

阿淇：系啰，我真系渣啦，啱啱今年先跑赢咗你咋嘛，上年都系你赢㗎。

阿殷：岂有此理呀！

（阿淇和阿殷打闹，韵婷阻挡，最后二人再次撞上孕妇）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

红姑：你哋做咩呀！走开啦！

韵婷：对不起！唔好玩啦，正经点啦，搵工啦！

（红姑也跟着三人到告示版寻找工作）

（猪仔嚣张地走进来劳劳处）

猪仔：唔该，睇完未呀？可唔可以借开点呀！

阿殷：借开点你咪有机会拣徂我哋份工啰。

韵婷：可唔可以分番先后呀？我哋嚟先㗎！

猪仔：我估你哋都系中学毕业㗎啫？

三人：系呀。

猪仔：系就啱啦，唔好阻住我搵工！

三人：点解呀？

猪仔：因为我系大学生㗎！而你哋只系低等中！学！生！

阿淇：车！大学生？你咪一样企喺度搵工！

猪仔：你...

韵婷：哎！唔好嘈啦！唔好嘈啦！

猪仔：你三个死嚟嚟妹，人多虾人少啊？李姑娘——李姑娘：——猪仔，唔好搞事呀！

青年人：猪仔？

猪仔：李姑娘，我讲咗好多次，我有叫猪仔好耐喇，我改咗名㗎喇！

阿淇：叫佢猪公啦！

猪仔：你三个同我收声，我叫 Richard 啊！

（晖晖走劳劳处）

晖晖：李姑娘，Bell Bell 扭计唔肯入嚟，萤萤都凶唔掂佢！

李姑娘：猪仔同晖晖一齐出去，陪佢哋入嚟啦，我帮你哋登记点筹先啦。

猪仔：吓？哦！

晖晖：行啦，猪仔。

猪仔：我叫 Richard 呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

（看见晖晖和猪仔离开）

（在门外看到一名身材魁梧的男子，在欺负两名少女）

细龙哥：死开啦，尤其是系你呀弱智妹！

莹莹：死肥佬，咩料呀你？

晖晖：你做咩吓女仔呀？

细龙哥：你两条蛋散想做「架両」呀？

猪仔：唔得呀？佢两个系我朋友嚟架。

细龙哥：咁又点呀，唔好阻住呀叔搵食呀！

（细龙哥进入劳劳处）

细龙哥：全部同我手摆头后面然后跪低！

众人：死啦！打劫呀！

细龙哥：头先听唔到我讲咩㗎呀？红姑：你系咪男人嚟㗎？

细龙哥：我梗系真男人啦，仲系一个不折不扣慨男子汉，煨！

红姑：咁又点呀？我系大肚婆嚟㗎！

细龙哥：你唔好扮大肚婆啦，肥婆！

红姑：我真系大肚婆呀！

莹莹（细声）：李姑娘，啱啱就系呢个人搞到 bell bell 喊。

李姑娘：你唔好讲野呀，宜家打紧劫呀，你哋手摆头后面然后跪低先啦！

细龙哥：我唔系嚟打劫，我嚟搵工㗎。

众人：车！

细龙哥：不过都系个好提议，如果我搵唔到工，咪打㗎！

（众人慢慢起来）

（突然细龙哥拨开红姑，走到中间）

细龙哥：你哋知唔知我边个呀！我大佬系呢区揸 fit 人，大龙哥！我系佢细佬，细龙哥，
即系我都系呢区揸 fit 人！

红姑：咩系呢区的揸 lift 人？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

阿淇：因为佢揸 lift 㗎！

李姑娘：唔系揸 lift 系揸 fit 人即系黑！社！会！？

细龙哥：洗乜讲呀！

职员：忠叔，有黑社会呀！做嘢啦！

（忠叔施施然起来）

忠叔：吓、哦。

细龙哥：你试下打电话，手都切埋你。

忠叔：咁！我宜家真系饭气攻心呀，嗝！个头仲有啲晕。

职员：喂，忠叔...（向细龙哥）你唔好埋嚟呀！

细龙哥（细声）：咁！职员，黑社会唔可以搵工啊？

职员：可.....以.....啊.....咁...黑社会先生你张筹系几多号啊？

细龙哥：吓？咩筹呀，冇嗱，快啲做野啦....

众人：走啦！排队啦！

细龙哥：好，系你哋逼我㗎！我宜家正式宣布，我打劫！

（细龙哥从袋中拿出胶叉）

晖晖：吓，咁我哋系咪要惊㗎？

猪仔：同我捉住佢！

细龙哥：救命呀——

（突然一声巨响之下楼层倒塌，全部人惊慌失措、四处奔跑）

（灯暗）

（紧急后备照明灯亮起，四处烟雾弥漫，不时还看到断掉的电线闪出火花）

（一会儿）

Bell Bell：李姑娘，起身啦！唔好好死呀，李姑娘、莹莹姐姐唔好死呀！应下我啦，好黑呀，我好惊惊！

韵婷：救命呀 做咩事呀！

阿淇：我唔知点解郁唔到呀，好痛呀！